

九皇新經註解卷下

孚佑上帝純陽呂祖天師註

太清紫微中天北斗九皇七元救生濟死至真妙道尊經卷下
乃經名也前已註過

爾時有 九天應元雷聲普化天尊統領五百雷神上將仰朝
玉帝

玉帝曰時有 元始天尊在清微天宮說救生濟死妙經

太上道君在玉清上宮說至真妙道尊經吾已勅令按法宣行
爾既主宰雷府賞善罰惡霹靂無私雷光驚透人心雷聲震動
天地十惡五逆決不饒恕邪魔外道膽戰魂驚平日有一念差

道藏輯要

九皇新經註解
卷下

三

斗集三
八〇上

惡者聞雷聲戰戰兢兢平日有一事欺心者見電光躲躲藏藏
平日有不孝父母者聞雷聲而皆悚慄平日有不敬公姑者聞
雷聲而皆遁形平日有圖財害命者聞雷而皆束手受死平日
有好淫邪盜者聞雷而皆惶恐人心本有良知良能也有怕惡
悔善如何雷過依然如舊不知天地本有好生之德

太上皆有仁慈之心百姓不知其故皆妄意施爲今既垂此二
經汝當鑒察人心倘有不順按律施行

神霄雷祖帝於是命 鄧辛二天君鑒察此經

是經中必先以神霄雷祖居乎首者非徒言報應也乃謂至
真妙道之中肺之華蓋三台居乎九天之上爲金丹之祖人

能將十字聖諱念得過便得一切邪障見下龍雷之火而消滅也雷祖之必用鄧辛二天君以監此尊經者乃是心火不發則鄧君不降肝木不動則辛雷不明此二天君在心肝二臟之中正是金丹中一大運用請來護法不可不明也

爾時 三元三品三官大帝統領七十二曹三百六十感應天尊上朝

玉帝玉帝曰時有 元始天尊在清微天宮說此救生濟死妙經

太上道君在玉清上宮說此至尊妙道尊經既有此經吾已勅令宣行汝既統掌人間生死執典天下善惡平日有爲惡而遭

道藏輯要

九皇新經註解
卷下

壽

斗集三
八二二

天厄者一念回轉諷誦是經當命 天官以解天厄平日有爲惡而遭地厄者一念回轉諷誦是經當命 地官以解地厄平日有爲惡而遭水厄者一念回轉諷誦是經當命 水官以解水厄平日有爲惡而遭火厄者一念回轉諷誦是經當命 火官以解火厄三元皆稽首奉命而退卽差 女青真人護持是經倘有不順按律施行

是經必次以三元主宰繼乎雷祖者亦非徒言報應也乃爲至真妙道之中以三丹田爲考較之總領作金丹之必歷人能將三元黑簿躲過便得一切罪過從三丹田真炁以消滅也三元之必用女青真人以監此尊經者乃是肝木之青方

不來則腎液之陽不上昇脾土之中宮不降則美女口不開
此一真人在中宮一部藏佳欲運用金丹者全在此女青真
人明奏三丹田之三元三品大帝也人當明此三元之理以
爲金丹先天中好出陽神也

時有五方煞神統領部下煞兵煞將瞻禮 金闕

玉帝曰爾等煞神執掌刀兵殺戮之厄典守剖刮砍剔之灾權
衡魏法法令森嚴今有 元始天尊在太清上宮說救生濟死
妙經

太上道君在玉清聖境說至真妙道尊經吾已勅令汝等敬聽
倘有下方眾生平日有爲惡而理應斬戮者一念回向是經汝

道藏輯要

九皇新經註解
卷下

臺

斗集三
X113

當削去斬罪平日有爲惡而理應剗剖者一念回向是經汝當
削去剗罪吾今命汝汝當諦聽於是五方煞神即時稽首奉命
而退卽差煞兵煞將檢察煞刑倘有不順按律施行

道君於此又將煞神演出用玉帝吩示者以丹在三丹田結
就默朝明堂宮玉皇上帝恐一身諸魔盜竄須用天罡煞炁
以制之此煞神卽心家一點真火光從三昧中出掃卻無明
也故於此處必將煞神演說一段非徒言報應也如有不能
尊敬此尊經者自然當爲白虎大神之煞星煞去也

時有 衛房聖母與 痘麻夫人統領 催生娘娘 送子仙
姬 痘公 痘母 痘哥 痘嫂參謁

玉帝欲領法旨

玉帝曰汝等執掌生產之事權守天花之衡代天宣化決不徇私今有 元始天尊在太清天宮演說救生濟死妙經

太上道君在玉清聖境演說至真妙道尊經吾已勅令汝等諦聽倘有下方眾生平日有爲惡而理當絕嗣者一念回轉是經汝當降賜貴子以傳後人平日有爲惡而子孫當於痘麻而亡者一念回轉是經汝等當令善神護持保其痘麻平安以得酬謝於是 衛房聖母 痘麻夫人聞說卽時作禮奉命而退卽差 催生 送子列神佈種天花諸仙檢察天下倘有不順按律施行

道藏輯要

九皇新經註解
卷下

彙

斗集三
XIII

此處又將衛房聖母演出者以聖母乃護衛丹房之聖母也人身原有洞房一宮在心腎相交之處此聖母卽居於是宮中總領多少姻眷仙侶故有催生痘麻等諸元君在也卻雖是報應案中一段故事寔爲金丹中一段作證痘麻名爲天花夫人種得是天花一身上來收功結果保了一個嬰兒這催生者自不免催生送子者自不免送子此中緊要處全在夫人娘娘幾字上珍重敬戴也不然何以必安於此尊經之上也

時有 瘟癘大帥 疫癘魔王統領瘟兵瘟將瘟神瘟鬼疫兵疫將疫神疫鬼參謁 金闕欲領法旨

玉帝曰汝等瘟疫之神執掌瘟病疫災今有 元始天尊哀憫
眾生在太清天宮說救生濟死妙經

太上道君垂念蒼生在玉清聖境說至真妙道尊經吾已勅令
汝等敬聽倘有下方眾生平日有惡積而理應瘟瘧者一念轉
向是經汝當削去瘟病而喝退兇神平日有惡累而理應疫死
者一念轉向是經汝當削去疫病而斬退癘鬼於是

瘟瘧大帥疫癘魔王叩首奉命而退即時命部下瘟鬼瘟神疫
鬼疫神檢察天下瘟疫之厄倘有不順按律施行

此一段正是修道的魔頭人身中有天瘟地瘟陰瘟陽瘟內
疫外疫魂癘魄癘十二經絡中之流利瘟三十六節中之透

道藏輯要

九皇新經註解
卷下

毫

斗集三
X川六

骨瘟五臟六腑之凝結疫五官百體之壞骸疫這些魔鬼皆
是自身中招承人一為惡遭踐自身中三寶天尊輕損先天
中無為真經百神皆散諸魔便來若修金丹者雖曰得丹則
靈把守不到徧地魔起如之奈何必須運用默朝上帝之功
上帝自然吩示他尊善卑惡按律施行也修真之子第一要
打得魔王開便可掃卻得九幽中酆都內一帶陰鬼也可得
命門安靜大寶不致終洩也

時有 東嶽天齊仁聖大帝統領十殿 閻羅仰朝

玉帝玉帝曰汝等執掌幽冥權衡生死今有 元始天尊在太
清宮中演說救生濟死妙經

太上道君在玉清聖境演說至真妙道尊經吾已勅令汝等諦聽倘有下方眾生有平日爲惡而理應短命惡死者一念轉向是經汝當削去罪簿增延上壽賜善病而終平日有爲惡而理應永坐地獄者一念轉向是經汝當削去地獄昇入天堂重複人身生長中國於是 東嶽大帝十殿 閻羅作禮稽首而退卽時命掌簿判官輪迴法王牛頭馬面童子夜叉催命無常諸大鬼王檢察生死簿籍考核罪孽輕重倘有不順按律施行

可以伏制得十大魔王二十四大鬼王方可逃得脫仁聖大帝生死案得卻金丹者雖曰已出生死關頭若德行不加功行不滿一念有差魔鬼盜去至寶便要於仁聖大帝生死案

道藏輯要

九皇新經註解
卷下

一頁

斗集三
X X 11

上加一等罪也故得卻金丹者而證仙果還有五百年一大劫三百年一小劫之劫過或過雷火鍊劫或過天兵刀劫或過溺水劫或過罡風劫此已成道者尙且過劫躲劫況未成道而爲魔鬼盜去至寶者乎故吾於梁灝公躲劫可作一証觀也此種報應亦當省悟

時有 文昌七曲開化梓潼帝君與 大成至聖文宣王統領文昌宮中羣仙諸將上聖高真仰朝

玉帝玉帝曰汝等文星執掌天下俊秀祿秩典守古今英才壽算今有 元始天尊在清微天宮演說救生濟死妙經內貫儒理

太上道君在玉清聖境演說至真妙道尊經中含儒學汝等諦聽吾已勅令下方眾生業儒者倘有平日損心敗德而理應削除功名者一念回轉敬受此經汝當削去原罪增上功名有平日誹謗大乘欺忤神將理應減算短壽者一念回轉敬受此經汝當削去原罪增上壽紀於是梓潼帝君與文宣王作禮奉命而退卽時命復聖曾公桂花真人檢錄功簿考核罪冊查點天下如有不順者按律施行

脫得仁聖大帝生死案了便入文昌宮開化本性也故此處又有梓潼帝君一段得此本性便是金仙此本性如何得開化須在文昌七曲宮鍊來此文昌宮卽得金丹之宮也故大

道藏輯要

九皇新經註解
卷下

真堯

斗集三
人上

洞經中有鈞天胡檀寶珠等說此經中雖爲文人說法只是當看桂花真人四字

時有南瞻部洲普陀巖中紫竹林內觀世音大士菩薩衆謁玉帝玉帝曰汝乃千變萬化以救苦救難爲心今有元始天尊在清微天宮演說救生濟死妙經以拔眾生而出苦海

太上道君在玉清聖境演說至真妙道尊經以拯提趣類而超正果吾已勅令汝當授之下方眾生倘有經歷三災八難起心誠誦是經汝當念善慈而救苦倘有孽債三途五苦起心敬領是經汝當哀痛切而救難於是觀世音作禮奉旨而退卽時命善財龍女捧楊柳清靜之水以灑人間濁垢之魂如有不順

按律施行

得卻開化本性便可觀得世音也故此處又將大士菩薩說
來救一切苦救一切難能觀得世音自然能救一切苦救一
切難甘露水卽金丹變化之法水龍女君卽姪女含真體道
之元神有此真真伽囉吽自必摩呵娑也

時有九天 東廚司命府君仰朝

玉帝欲領善惡之法旨

玉帝曰汝執掌善惡典守功過汝在天爲北斗之喉舌在佛爲
準提之化身在人間爲司命之主宰大矣尊矣凡彼下方眾生
一家之善惡一年之善惡一月之善惡一日之善惡一時之善

道藏輯要

九皇新經註解
卷下

畢

斗集三
X33川

惡莫能逃汝逢庚申甲子三元五臘本命生辰又於臘月二
十五日統領尸神上奏吾庭領吾法旨下傳陰曹賞善者賞善
罰惡者罰惡增福者增福降殃者降殃延年者延年減壽者減
壽賜子者賜子絕嗣者絕嗣惟令是從毫不徇私今有

元始天尊在 清微天宮演說救生濟死妙經

太上道君在 玉清聖境演說至真妙道尊經倘有下方眾生
一家信受是經汝當賜一家之福一人信受是經汝當賜一人
之福閤門尊敬是經汝當降閤門之吉祥若有始信而終疑者
始降之百祥而終降之百殃若有誹謗而竝妄言者汝當卽時
奏吾按律施行司命府君於是稽首作禮奉命而退護持此經

嚴察此人

司命爲一家之主卽一身之主也心之神曰司命火爲木生故曰東廚肺傳心液故曰九天東廚司命府君修道得了還丹者能觀一世之音便能觀世世之音到此地只有心之神用事便無他臟主宰何也萬法歸一也此中報應人當惺悟可見是七元之真經不可不尊也

時有北方

玄天上帝蕩魔天尊統領十二雷神二十四大天君三千神兵五百靈官仰朝

玉帝玉帝曰汝威鎮北方神化無邊今有

道藏輯要

九皇新經註解
卷下

臺

斗集三
川又上二

元始天尊在 清微天宮演說救生濟死妙經

太上道君在 玉清聖境演說至真妙道尊經吾已勅令汝當敬聽下方眾生倘有平日爲邪魔妖魅所纏者一念回轉誠誦是經汝當遣神兵爲此人以除之有平日爲惡而爲山魃魍魎所害者汝當遣神將爲此人而滅之以報一念回轉誠誦是經之功北方

玄天上帝於是稽首奉命作禮而進曰

玉帝慈悲敢不奉行

玉帝法旨敢不奉命但此經既演以救眾生今僅錄於上館未傳於下方仰惟

玉帝勅旨當令何臣傳授何方宣布天下流傳萬古以使下方遵而行之

玉帝曰汝既威鎮北方汝當領此妙經以爲宣傳

玄天上帝復稽首而進曰

玉帝既命

小臣

敢不奉命但望聖慈勅命班中何卿下界演說

靈章時班中閃出一卿名曰

天雷上相純陽演正警化孚佑帝君廣化天尊稽首作禮而進

曰此經功德讓於

小臣

敢領法旨下界宣行

玉帝曰汝領吾法旨下界宣行以救眾生以度凡夫固大慈心固大悲心汝當設何法宣行當在何處闡揚時北方

道藏輯要

九皇新經註解
卷下

臺

斗集三
川上

玄天上帝稽首而進曰

臣

化身威鎮木蘭有唐朝得道忠心報

國孝心感天烈性超古已蒙

玉帝慈悲勅封忠孝烈女驅邪降魔都督崔將軍今在闕下已

謁

玉帝敢啟

聖恩法旨宣示

玉帝卽下勅旨都督將軍卽時稽首階下俯伏而進曰敢領法

旨宣

臣何示

玉帝曰汝性稟天地清剛之性氣賦天地浩然之氣只願忠孝不顧刀斧只計君親不計利害抱此大志方享血食於千古吾既勅令永鎮木蘭爾卽木蘭之王威鎮此山廣行方便多開利

益之門功德如山可謂神中之帝也今有

元始天尊在 清微天宮演說救生濟死之妙經

太上道君在 玉清聖境演說至真妙道之尊經已錄於

紫府未傳於下界吾已勅令仰加法旨命爾保護

孚佑下界演傳有功之日特賜 帝號斯時

都督崔將軍敬領法旨跪受勅令再拜稽首俯伏而進曰領此

法旨授此勅令小臣下界願擇清淨之地願撿霜潔之所保護

孚佑帝君演說靈章願竭心力不敢惰弛斯時北方

玄天上帝不勝歡喜踴躍作禮而退

玉帝復曰木蘭之神鎮山之王既願保護既願演傳吾賜爾十

道藏輯要

九皇新經註解
卷下

臺

斗集三
X81

律錫爾諱號汝掌此經之權伺呂相演經之後垂示下方流傳

人間諷誦者畏此一律而堅心改惡者即得一方之福有畏此

十律而堅心從善者即得十方之福有得見是律而宣傳戒人

者吾即勅令十方善神擁護其人有得見是律而寫錄流傳者

吾即勅令三界吉神保持其人勅令第一律雷擊電掣以定忤

逆父母凌辱公姑糞污穀米謀殺孤客之罪 勅令第二律火

焚水漂以定欺心欺天害人害物投財奪財之罪 勅令第三

律刀斬兵戮以定持強持暴行惡行兇唆是唆非之罪 勅令

第四律瘟病疫災以定白口咒詛瞞心昧已奸盜邪淫之罪

勅令第五律刑害絕嗣以定欺孤凌寡辱鰥獨倚富欺貧之

罪 勅令第六律減壽削名以定爲官不清爲士不仁爲民不良之罪 勅令第七律妖精魔纏以定鬼眼鬼心邪肝邪肺淫腸淫肚之罪 勅令第八律妻淫女賤以定淫人妻女奪人妾倖奸人奴婢之罪 勅令第九律急症暴死以定挾賍舞文擢訟翻事作媒拐騙之罪 勅令第十律缺衣短食以定奢華銀錢過費口味作沓絲綿之罪
勅此十律之外或疥癩癰疽或損目聾耳缺足跛手之類皆前生大秤小斗挾私害公無許口過身過心過行過之罪所致汝受此十律下界施行倘有犯令者決不容情倘有悔過者卽時削去不待消停於是都督崔將軍奉命作禮而退

道藏輯要

九皇新經註解
卷下

畧

斗集三
X L L

到了此地便有雷神護衛天君保持故此處將玄帝說來以爲北方壬癸之主宰也此主宰一立萬魔皆灰白可見金闕之化身也故玄帝爲混元六天傳法教主以收北方一切魔修了還丹者玄天一宮有是法寶必見是法象也此中報應亦當着眼以尊是經爲北方之至寶矣凡在北方得壬癸水炁而生者皆口喊南無報恩教主無量壽佛但要思此無量壽佛滋味從何處得來但此尊經演到此處必將吾純陽演經說出爲是經演主雖然是如此說其實非純陽安得廣化乎北方玄帝又將木蘭將軍說出爲保演佐經之人者以木蘭將軍爲忠孝勇烈之神又是北方輔佐第一大帥可以驅

邪逐魔可以救生濟死是至真妙道中若非決烈漢能盡忠
盡孝持節義者焉能證金丹大果故此一部經必要木蘭將
軍方可保得純陽道祖下界演說也體貼此注者當玩願擇
清靜之地霜潔之所一句斯時北方玄帝一段此一段中
玉帝復賜木蘭將軍之十律此十律都爲不尊是經者說法
如能尊是經以爲性命之津梁自免此十律之罪後世又有
能尊是經而更能體貼信從是經之註者亦當如是觀十律
之外又有如許等罪收到口過身過心過行過上卽上卷所
云一切業處都歸總結畢
時有

道藏輯要

九皇新經註解
卷下

聖

斗集三
X1X

紫光金尊摩利支天大聖圓明道姆統領 九皇 三台 二
十八宿聚會東斗西斗南斗中斗普皆來集仰朝

玉帝玉帝曰汝等斗宮冠居天象職在星曜掌人間功過之事
判死生善惡之期今有

元始天尊在 太清仙宮所說與北斗宮中 九皇星君救生
濟死之妙經以超拔下方眾生

太上道君在 玉清聖境所說至真妙道尊經卽是輔汝

九皇救生濟死之經下行吾已勅令許布人間吾之已頒法旨
命天雷上相下界演說命木蘭將軍下界護持汝等斗宿當從
吾法旨所頒十條下界主宰各各眾生今在以逃劫難以消災

厄

勅令第一條命北斗第一陽明貪狼太星君護好善子生人以解一律之罪

勅令第二條命北斗第二陰精巨門元星君護好善丑亥生人以解二律之罪

勅令第三條命北斗第三真人祿存真星君護好善寅戌生人以解三律之罪

勅令第四條命北斗第四玄冥文曲紐星君護好善卯酉生人以解四律之罪

勅令第五條命北斗第五丹元廉貞罡星君護好善辰申生人以解五律之罪

以解五律之罪

勅令第六條命北斗第六北極武曲紀星君護好善巳未生人以解六律之罪

勅令第七條命北斗第七天關破軍關星君護好善午生人以解七律之罪

勅令第八條命北斗第八洞明外輔星君護好善始終如一者以解八律之罪

勅令第九條命北斗第九隱光內弼星君護好善年深月久者以解九律之罪

勅令第十條命北斗三台護好善修正成真者以解十律之罪

道藏輯要

九皇新經註解
卷下

翼

斗集三
川一

竝解眾生前九律之罪吾今勅令汝等斗宿諦聽

此一段落後說到斗姆竝北斗九皇七元身上將上中二卷盡行收過仍說到是經源頭上去了但凡講金丹大道者不先體貼北斗九皇七元從斗姆蓮花九苞化生處安得謂知道者也是金蓮九苞乃從華池中湧出卽在西天結胎生竺國之處也明月子當場一問後世理當體貼聖母於西天結胎生竺國之地可也至若玉帝將十條付九皇星君救人生濟人死云者雖曰解十律之罪實爲十二時辰生人運動華池中神水默朝心家七竅中之元辰者說法也故曰神水華池非舌下實爲命門祖炁根神竊寶座托猪輩亥宮

道藏輯要

九皇新經註解
卷下

臺

斗集三

天一地六神白玉龜台能靜怡大梵天宮坐元君人能知此真妙訣寶月光中現長生壽陽子又當場一問曰知此斗竅卽知金丹乎吾正容答曰金丹原是三一道大葉本從玉兔搗七元方能降真炁北斗原從西天生立根子又當場問曰三一道何名吾正容對曰帝一雌一雄一名爲三一修玄靈妙道者知此三一定明金丹故曰雌是陰中陽雄是陽中陰能爲默朝者帝卽七元君斯時抱陽子默默不言吾則指之曰是元君也卽從金蓮九苞化生也是金蓮也卽金汁所結之蓮也內有真香氤氳種子不壞人能得是九苞蓮馨亦可頃刻見斗姆於白玉龜台之上也惟玄樞子玄機二子欣

欣然有喜色而相問曰是白玉龜台在何處實落吾亦開顏而答曰是白玉龜台在大智光中是卽黃庭上一美女口是也能修玄靈妙道到節節生榮之時便能結此白玉龜台之形秘書郎又注目而問曰黃庭則爲中宮正色美女口亦係脾胃關口如何謂之白玉吾則明指之曰寶樓閣卽肺腑也肺液下降於心心中真火鍊結是真液到美女口上聚成於洞房宮中故成爲龜台則名白玉是也明月子復稽首俯問曰三十九節師何以止言三十六節是三節於是經註中何以隱而不言三一之名已聞三一之地何所指實吾復啞然笑而答曰雌一卽靈母也雄一卽聖父也帝一卽混合之帝

道藏輯要

九皇新經註解
卷下

真

斗集三
X上X

一也卽玄關玄牝玄竅用七元真炁運來回風混合之三一也如所謂三十九節止名三十六節者是三十六節按三十六宮盡是春 邵堯真所云是也外三節乃玉枕一宮泥丸一宮明堂一宮此三節居一頭上前於談金丹註中已明指實處故只統言三十六節不是言三節也子其知之乎道在目前一節所言只一心中真形也故曰魁魁等九字若非心中真火出現焉得罡炁來臨若非心中真元生光焉得節節生榮子當省之愿後世觀此註者反到自身上細心體貼也惟願眾生誦誦時各各信心不徒口頭念過必當見之於行若能口誦心維身體力行汝等卽時按此條示奉命而行於是

斗宮諸宿皆領 法旨稽首作禮而退

乃 上帝慈悲語其中所重口誦心維身體力行八字上此八字爲一部 尊經大結之主宰教誨語於是

玉帝復召崔將軍曰以此十條合同十律下界宣行於是崔將軍不勝欣喜踴躍稽首作禮而謝曰

玉帝大慈

玉帝大聖萬佛之主萬天之師敢領 法旨願在下方施行重宣此意而作頌曰

乃上帝將此十條十律專付崔將軍主此尊經故崔將軍領

道藏輯要

九皇新經註解
卷下

真

斗集三
冊上

其意而大作歌頌也

太上彌羅主 玉皇高上尊 垂此大法旨 勅此我小臣

仰賴恩光遠 願及我眾生 善惡報不爽 人心感帝心

天律真可畏 森嚴似雷霆 天條不可犯 犯之遭天刑

倘有善男女 信之誦此經 上帝自賜福 九皇保本命

我今領法旨 執法不順情 但願皆行善 和合得安甯

玉帝復下勅旨宣命雷府復召鐵筆 鄧上將歛火 辛天君

二神見召一時赴命舞蹈 玉階稽首 闕下

玉帝曰仰爾二將保護此經下傳十方倘有不信心者爾可按律施行差經漏字陰杖八十暈口讀誦陰杖八十床榻不淨便

將安置陰杖八十汚手觸犯穢衣瞻禮陰杖八十覩此真經而
誹謗譏笑者陰杖八十陽降喉痺有覩此真經而妄言綺語嬉
笑常言者陰杖八十陽降喻舌 吾今勅令汝等諦聽於是
鄧辛二將拱手俯伏作禮而歌曰

玉帝慈悲主 玄穹至上尊 妙相冠諸天 玄化總十方
帝今垂法語 儆戒世眾生 賢智超正果 愚昧亦驚醒
消災竝度厄 永劫無漂沈 如有不知務 鄧辛不順情
卽時請法旨 按律迅火霆

又將雷府鄧辛二將監察此經是鄧辛二將在天一爲鐵筆
一爲欵火在人身一居心元一居肝元故金丹非此二臟不
能爲招攝也故鄧辛二將領其慈悲而大作歌頌也
說此歌畢稽首而退一切法筵清眾歎未曾有皆稽首而作偈

道藏輯要

九皇新經疏解
卷下

辜

斗集三
X。11

曰

至道無敵 玄理幽深 智者易悟 昧者難行 今日大吉
帝發綸音 垂此戒飭 普救眾生 苦者得樂 悲者得伸
可拔七祖 能超三魂 誦持一遍 萬罪灰塵 誦持十遍
百禍不侵 誦持百遍 松鶴遐齡 誦持千遍 永年長生
誦持萬遍 大道必成 超證仙果 拜謁玉京 仰朝上帝
賜仙三品 爾等眾生 何樂不爲 爾等眾生 何不修行
有此功德 如何過道 我等說偈 體貼帝心 惟願眾生

箇箇長生 惟願眾生 人人善人

乃一切法筵清眾得聞玉帝慈悲之意故又作偈以願其大
聖大慈也

諸仙諸神說此偈畢不覺天花亂墜妙樂齊鳴龍飛鳳舞麟戲

鸞鳴臣李佑見此希有鞠躬上伸稽首復請曰有此效驗有此

奇特臣願領勅旨願受法戒願統領鄧辛二將 木蘭崔神願

率諸 城隍 社令 眞官土地下界演說卽時作禮而退方

同 木蘭共議 木蘭崔將軍曰我有門徒乃

太上之弟子乃 玉清之郎君而今二百餘年未復原根願求

帝君赴乩隨感演說靈章判斷眞經使此子得復根原更願演

道藏輯要

九皇新經註解
卷下

臺

斗集三
川上川

經功德普及於眾生更願

天尊慈悲

道君仁聖

玉帝恩光普及於眾生

李佑帝君於是下界臨壇統領善信弟子吳傳馬任諸士演說

於公善堂其經功德不可思議

又歸重李佑與崔將軍演經佐演者身上內提出扶演之人

竝所演之處人當在公善二字上着眼可見是經爲天下萬

古之公經是道卽爲天下萬古之公道也

吾發十願一願君王萬歲二願國土清平三願官清吏明四願

人物康甯五願五穀豐登六願父母長齡七願富貴充盈八願子孫盈庭九願七祖解脫十願十方超昇 願以十願普及於眾生壇下弟子聞此妙經皆灰百念堅心信從聞此十願皆大歡喜皆大踴躍皆稽首頓首誠惶誠恐作禮而讚曰

元始天尊 哀我眾生 太上道君 哀我眾生 玉皇上帝 哀我眾生 玄座說法 救濟生靈 玉清演教 至妙玄文 上帝勅令 發示宣行 諸神護將 羣仙衛真 慈悲普及於遐方恩光遠照於海濱願

九皇真君願

七元大聖常照我生靈常主持我本命

道藏輯要

九皇新經註解
卷下

臺

斗集三
大方川

此十願乃天下萬古之公愿此一讚乃天下奇緣難逢之一大讚也後將太清紫微經各一結完此一卷人能常如吳傳馬任何愁時時無真人下界演說靈章人能如蔡壽陽楊玄根又何愁時時無 純陽祖師臨世恢宏正化也特世人皆爲七情六慾所迷不能一心清靜因而不能一身清靜因而不能一世清靜不能一世清靜因而不能世世清靜也吾於己酉歲 卽臨漢上公善堂演此真經以度凡夫又於是己未年復臨漢上紫微院演說尊經大註中闡五仙靈文朝斗真訣金丹大道玉液口訣吾之心卽天地生成萬物之心也惟願箇箇成真吾之身卽眾生自在之身也惟願人人超證

吾對萬世發一誓倘有虛言定復降塵世如萬世執迷不體吾心亦當永墮無間地獄不復輪迴吾今留此惟願有根緣者復還根緣有道本者仍歸道本有福田者仍獲福田有仙種者仍歸仙種三清在上監臨吾心上帝在上斟酌吾心吾心亦婆心度盡凡夫之願從此一立翹望不執著不迷惑不墮毀者皆上蓬萊仙島與諸仙諸真同爲雲侶霞友也已

終
太清紫微中天北斗九皇七元救生濟死至真妙道尊經卷下

道藏輯要

九皇新經註解
卷下

臺

斗集三
一三一

張大真人偈序

斯時

高明大帝對小葛而言曰夫下卷者有辟邪衛真之法也有諸天現象之妙也故首以 雷祖為主將 玉清聖境 神霄天界打通一箇大光明世界現出麒麟當空如意懸虛九天亦得其慧光生何愁諸天法界不從此而照徹大千也未以斗姆作結以斗姆爲人一身之主宰乃心腎相關之司命故七元合乎七寔經中教人先默朝 七元以開七寔使人好用噯字作大還丹運用也吾聞

高明大帝此言不覺拱手而敬答曰妙哉 真人之法乳誠爲

道藏輯要

九皇新經註解
卷下

書

斗集三
川上

萬世之慈航先必要大真人雌雄二劍法水一口將急急如律令方呼得十界通靈萬象朝真也已

葛大真人偈曰

上卷勸善	鬼仙地仙	中卷演道	天仙神仙	上中二卷
內藏人仙	至於下卷	諸神諸天	報應懲戒	其寔通玄
寶劍三口	內寓未言	一無情劍	北方玄天	一神通劍
神霄九天	一摩利劍	斗姆西天	有此三劍	安入三田
得道得仙	先朝三元	文昌檢錄	司命取結	三官保舉
方引朝謁	先見王公	次見王母	方見四相	始朝玉帝
帝發勅旨	東嶽啟奏	毫無過愆	純是善德	然後發牒

檢選洞天 加號授錄 始曰眞仙 如此證果 下卷難言
妙哉大哉 玄之又玄

許大眞人偈曰

先闡妙道後闡法 萬世度人上仙槎 何用讚嘆多言語
註中行行是仙歌

薩大眞人偈曰

下卷爲輔 中上不離 三卷合一 成爲尊經 經在元始
道在玉清 法在上帝 註內諸眞 可度生死 可超仙眞
有緣一遇 劫劫常存

韓眞人偈曰

道藏輯要

皇新經註解
卷下

臺

斗集三
川上三

一部新經有眞訣 難以講明其中穴 若能參透眞骨髓
何愁還丹不全得

正陽眞人偈曰

太極大道 內藏眞奧 七元輪轉 上下通竅 北斗新經
探若精妙 垂之千古 且任歌嘯

藍眞人偈曰

無根樹 卻有根 斗中訣 內觀心 紫炁運用先天
詳究精微有本

東華帝君高明偈曰

七星拱照北斗中 鳳凰運推入洪濛 天地交泰水火轉

如雷如潮菩提空

果祖真人偈曰

人生世上如螻蟻 洪濛未開道難知 真心觀住無窮妙

一點靈光落橋西

曹真人偈曰

理微意深真難識 訣全法備有功夫 若要金闕化身日

先從金丹鍊子午 一陰一陽通心竅 海底蓮花便生枝

何真人偈曰

醍醐灌頂甘露水 一步一趨到紫微 結成一塊金靈霜

泥丸湧波有輪迴 偈垂千古竝萬世 自有成仙駕鶴飛

道藏輯要

九皇新經註解
卷下

曩

斗集三
川百二

已酉演經眾生未悟修習已未奏演註解弟子等蒙

祖師之仁慈同

天地恩德竝

日月乃稽首頓首俯伏而敬獻頌曰

善哉元始 妙道之祖 太上道君 尊經拔苦 上帝勅律

書於紫府 玄帝朝謁 請頒下土 已酉三春 孚佑演主

臨凡公善 眾生得觀 中天北斗 右弼左輔 救生濟死

仁慈恩溥 愚昧難醒 請勅演註 已未季秋 復臨漢土

紫炁道院 天象雲護 斗示默朝 玄生臟腑 五仙修習

智愚皆悟 恩同天地 覆載今古 德竝日月 運行寒暑

斯註留傳 萬世普度 八極靜談 九華宜佳 皇圖帝道
綿遠帝國

道藏輯要

九皇新經註解
卷下

羣

斗集二
×十川

正一天師清微弟子共百堅製作
道教學術資訊網